

續修曲沃縣志

知縣 張鴻達

纂輯

署知縣 茅丕熙

郵政

侯館路室委積以待調庸僱役唐宋遞改用民能寬公私無

害志郵政第十七

舖遞附

蒙城驛縣西北四十里明洪武八年改太平相里驛於曲沃設

蒙城驛至乾隆二十一年知縣張坊詳請各憲具題改歸太

平縣史村驛

侯馬驛在縣西南三十里侯馬鎮舊係絳州金臺驛改遷侯馬自
侯馬西至絳州二十里南至聞喜縣涑川驛八十里北至太平
縣史村驛七十里原設馬四十四夫二十名於乾隆三年撥協
趙城縣馬三匹夫一名半實馬三十七匹夫十八名半嗣從絳
州撥來額馬二十二匹夫十一名太平縣撥來額馬十七匹夫
八名半長子屯留二縣撥來協濟馬四匹夫二名河曲縣原撥
甯化站馬一匹夫半名改撥侯馬驛共撥來馬四十四匹夫二
十二名內改撥殺虎口馬二匹五分六毫夫一名二分五釐三
毫又撤回馬一匹四分四釐三毫夫七分二釐一毫五絲又於

量減等事案內撥協北路馬一匹九分三釐七毫夫九分一釐八毫五絲又於 奏聞事案內撥協北路馬一匹夫半名共改撥馬四匹夫二名實在連原設馬三十七匹共馬七十七匹原設夫十八名半共夫三十八名半

現今額設馬七十七匹自乾隆三年欽奉

上諭照依江南例每馬一匹加銀三分七釐三毫每匹連棚廠鞍屨等項每日支銀九分七釐三毫 額設夫三十八名半每夫一名日支工食銀三分五釐均按大小建扣算每季在於地丁項內扣給通年共應額支馬夫工料棚廠銀三千一百六十兩二

錢一分五釐三毫六絲

額設廠夫八十六名於雍正三年遵

旨另行議詳案內加增四名共廠夫九十名每名日支工食銀三分六釐一毫按大小建扣算每季在於地丁項內扣給通年共額支工食銀一千一百七十一兩六錢二分二釐九毫八忽三微三纖

大公館一所

卽明公祠

大門三間 上房五間 南北廂房各五間 過廳三間

南北廈房各三間

二公館一所

卽喬公祠

大門三間 上房五間 南北廂房各五間 過廳三間

南北厦房各三間

三公館一所

卽前知縣張公祠

大門三間 上房五間 南北廂房各五間 過廳三間

南北厦房各三間

四公館

大門一間 上房三間 南房二間 過廳三間

小南房二間

五公館

大門三間 上房三間 東西廂房各二間 牌坊一座

六公館

大門三間 上房三間 東西廂房各二間

以上三處公館於乾隆四十年經知縣黃印建

附舖通

侯馬遞運所卽今之舖通也先是所夫索取里下工食民受其累遂革除改設舖兵按年更換

縣總舖

在縣治西
舖兵六名

任莊舖

在縣南十里
舖兵二名

喬村舖

在縣西南十五里
舖兵三名

侯馬舖

在縣西南三十里
舖兵五名

隘口舖

在縣西南五十里
舖兵五名

郭馬舖

在縣西十里
舖兵四名

楊村舖

在縣西北二十里
舖兵五名

容裕舖

在縣東北二十里
舖兵四名

辛店舖

在縣西北三十里
舖兵五名

蒙城舖

在縣西北四十里
舖兵六名

共舖兵四十五名每年工食銀六兩共銀二百七十兩

在 藩庫請領按季給發

西北至蒙城鎮四十里由本縣辛店楊村郭馬侯馬隘口六舖
抵招仙洞聞喜縣界七十里此孔道也東由馬莊秦崗抵翼城
縣界二十五里南由交里任莊二十里至絳縣界西由趙村臺
神四十里抵絳州界西北由南上官村南莊二十五里抵太平
縣界西南由喬村張少史店五十里至聞喜縣界胥小徑也

原額舖遞十三處舖兵四十五名舊係僉點各里走遞每年一換因土棍包攬希圖畝幫公文往往貽悞於康熙四十五年知縣潘錦奉文革除以臨近村莊走遞改設十舖因金釵舖附近楊村改名楊村舖承走莊小人稀不能支持每年僱覓西上官村人夫充當僱值不能完卽賣地畝以償而上官村王端章等替差又貽悞公文數十角奉文提究脫逃知縣陳聖敬將楊村上官理安五家俱枷責革人民逃亡乾隆十九年上官便等以人戶稀少地畝悉賣西上官村應公同走遞赴府呈控批查署縣劉綬煜以西上官村王瑾等斷不允從詳報未結至本年

冬知縣張坊抵任後楊村人民復行呈控屢奉文催查妥議知縣張親赴該村查勘楊村人戶稀少西上官村人烟稠密其舖在兩村之中因卽飭令兩村妥議據將額設舖司五名兩村情願各半充當公膺每年工食兩村分領各具遵依存卷具文申詳司府批允施行

附牛站 自秦中駐防滿兵春秋家口回旗例用車輛侯馬始設牛站其遞送南至聞喜縣之凍川驛北至太平縣之史村驛順治十三年太平史村驛將本縣車牛越站送府里民張禮等呈控各衙門奉院檄太平補還本縣車牛仍勒石平陽府並史村驛及本縣城隍廟又折車之弊里民歲費數千金噉大中丞無晉深悉其苦不避嫌怨毅然禁革蓋自三十九年民始息肩云

續修曲沃縣志

知縣 張鴻達

纂輯

署知縣 茅丕熙

武備

承平雖久戰不可忘以禁脅小以固封疆守城防汛慎率舊

章志武備第十八

防守

周

曲沃武公三十九年王使虢公命以一軍爲晉侯

左傳

晉獻公十六年晉作二軍公將上軍太子申生將下軍趙夙御戎

畢萬爲右以滅耿滅霍滅魏還爲太子城曲沃

左傳

晉惠公六年晉侯及秦師戰於韓執晉侯晉平晉於是乎作州兵

五黨

爲州州二千五百家也因此又使州長各繕甲兵

左傳

晉文公三年蒐於被廬作三軍

復大國之禮

左傳

四年晉侯作三行以禦狄荀林父將中軍屠擊將右行先蔑將左

行

晉置上中下三軍今復增置三行以辟天子六軍之名三行

無佐

左傳

七年秋晉蒐於清原

聞喜縣北

作五軍以禦狄

先作三行今罷之更爲上下新軍

趙衰爲卿

新軍帥

左傳

晉襄公七年春晉蒐於夷舍二軍

先作五軍今舍二軍復三軍之制

晉景公六年秋七月秦桓公伐晉次於輔氏壬午晉侯治兵於稷

左傳

晉悼公十三年晉侯蒐於綿上以治兵荀偃將中軍士句佐之趙

武將上軍韓起佐之新軍無帥晉侯難其人使其什吏率其卒

乘官屬以從於下軍禮也是以大和諸侯遂睦

左傳

晉平公十七年晉中行穆子敗無終及羣狄於大鹵魏舒始用卒

毀車以爲行

步陳

五乘爲三伍

車一乘三人五乘十五人行一行五人三行十五人行伍之名起於

此

左傳

漢

兵制年二十三爲正卒一歲給郡縣之役其不役者入錢二千以雇庸者已上戍中都官者一年爲衛士京師者一年爲材官騎士樓船郡國者一年三者隨其所長於郡縣中發之

漢書

北魏

孝文帝延興三年詔州郡之民十丁取一以充行伍收租五十石

以備軍糧

魏書

唐

太宗貞觀十年更號統軍爲折衝都尉別將爲果毅都尉諸府總

曰折衝府凡天下十道置府六百三十四絳州絳郡府三十三
曲沃府曰新田曰神泉凡府三等兵千二百人爲上千人爲中
八百人爲下新田一千二百人神泉一千人府置折衝都尉二
人左右果毅都尉各一人長吏兵曹別將各一人校尉六人士
以三百人爲團團有校五十人爲隊隊有正十人爲火火有長

唐書

宋

河東節度大都督府絳州絳郡防禦轄縣七曲沃隸統制訓練

宋史

金

天會六年分河東置南北路南路鎮共三十絳陽軍節度使領鎮

五曲沃鎮二曰柴村九王

金史

元

太宗七年僉西京平陽太原路人匠充軍命管匠頭目自識匠外

通驗丁數每二十人出軍一名曲沃隸絳州元帥府

元史

明

初大同止設都司故軍馬隸衛至洪熙以後始設總兵副將游擊

等官糧雖衛而軍馬列伍易衛以營後平陽亦設副將鎮守曲

沃隸焉

明史

崇正十六年晉撫蔡懋德親臨蒲州置防河兵歸至平陽於河東書院立千城社時曲沃賈漢復亦立設保障爲守禦計

府志

國朝

順治初平陽設道標康熙元年奉裁改設提督駐平陽四年移省城十四年復移平陽後提督奉裁二十二年移太原鎮總兵駐平陽派撥曲沃縣防守兵丁頭目一名汛兵十名

康熙五十七年設立曲沃防汛左司經制把總一員領戰守兵六十一名內在城防兵二十名大路防汛兵四十一名

蒙城五名辛店五名高顯五名楊村五名